



Na osnovu člana 9. Zakona o kantonalnim ministarstvima i drugim tijelima kantonalne uprave Srednjobosanskog kantona („Službene novine Srednjobosanskog kantona“, broj: 8/03 i 14/03) i Odluke Vlade Srednjobosanskog kantona o usvajanju programa korištenja sredstava sa pozicije “Tekući transferi subvencije privatnim preduzećima i poduzetnicima - poticaj privredi” utvrđen Budžetom Srednjobosanskog kantona za 2019. godinu broj: 01-02-319/2019 od 05.04.2019. godine, Ministarstvo privrede raspisuje

**JAVNI POZIV
ZA ODABIR KORISNIKA SREDSTAVA SA POZICIJE “TEKUĆI TRANSFERI SUBVENCije
PRIVATNIM PREDUZEĆIMA I PODUZETNICIMA - POTICAJ PRIVREDI”
ZA 2019. GODINU**

I PREDMET JAVNOG POZIVA

Objavljuje se javni poziv za dodjelu sredstava za sufinansiranje projekata sa pozicije “Tekući transferi subvencije privatnim preduzećima i poduzetnicima - poticaj privredi”.

Sredstva za ove namjene su predviđena Budžetom Srednjobosanskog kantona za 2019. godinu u Ministarstva privrede, u skladu sa Odlukom Vlade Srednjobosanskog kantona o usvajanju programa korištenja sredstava sa kriterijima raspodjele sredstava sa pozicije “Tekući transferi subvencije privatnim preduzećima i poduzetnicima - poticaj privredi”.

II NAMJENA

U oblasti “Tekući transferi subvencije privatnim preduzećima i poduzetnicima - poticaj privredi” sufinansiraju se projekti:

- a) Subvencioniranje kamate na uzete komercijalne kredite (sufinansira se povrat dijela kamate prema komercijalnim bankama za privredne subjekte);
- b) Sufinansiranje projekata malih i srednjih preduzeća (sufinansira se opstanak i rad preduzeća);
- c) Osnivanje novih preduzeća “Start up” (sufinansiraju se aktivnosti kod registracije novih pravnih lica);
- d) Održavanje simpozija, seminara, okrugli stolova i sl. (sufinansiraju se projekti održavanja simpozija, okrugli stolova, seminara, konferencija i sl);
- e) Međunarodni susreti privrednika poduzetnika (sufinansiraju se projekti bilateralni susreti privrednika dviju zemalja);
- f) Subvencioniranje edukacije radne snage (sufinansira se edukacija postojeće radne snage unutar privrednog preduzeća).

III PRAVO UČEŠĆA

Pravo na podnošenje projekata na javni poziv u oblasti “Tekući transferi subvencije privatnim preduzećima i poduzetnicima - poticaj privredi” imaju privatna preduzeća:

- a) Koja su sa područja Srednjobosanskog kantona;
- b) Koja će projekat realizovati na području Srednjobosanskog kantona;
- c) Koja će projektima polučiti efekte iz namjene oblasti za koju podnose projekat.

Privatna preduzeća koja podnose zahtjev na projekat pod nazivom Osnivanje novih preduzeća "Start-up" moraju biti registrovana nakon 01.01.2018.godine do okončanja ovog javnog poziva.

Nemaju pravo učešća na javnom pozivu subjekti kojima od strane Ministarstva privrede nije prihvaćen izvještaj o implementaciji programa i rezultatima ostvarivanja programa po ranije dobivenim poticajnim sredstvima.

IV SADRŽAJ PRIJAVE ZA UČESTVOVANJE NA JAVNOM POZIVU

Sadržaj prijave mora biti urađen u skladu sa elementima koje zahtjeva potrebna dokumentacija, a isti će zavisiti od projekta na koji se aplicira.

Ministar privrede imenuje Komisiju koja na osnovu Javnog poziva vrednuje primljene projekte i sačinjava prijedlog Odluke o dodjeli sredstava, a na osnovu slijedeće dokumentacije:

1. Zahtjev za uključivanje u program.

Pod pojmom Zahtjev za uključivanje u program podrazumijeva se uredno popunjen obrazac "Zahtjev za uključivanje u program".

Ukoliko zahtjev za uključivanje u program nije ovjeren i potpisan od odgovorne osobe, isti će se odbiti i neće biti predmet daljeg razmatranja Komisije.

2. Obavezni prilozi

Pod obaveznim priložima podrazumijevaju se oni prilozi koji se traže od podnosioca prijave, kojima podnosilac prijave dokazuje da li je kompetentan, pouzdan i da li redovno ispunjava svoje zakonske obaveze.

Popis potrebne dokumentacije u zavisnosti od podnosioca zahtjeva i programa za koji se prijavljuje, dat je u u potrebnoj dokumentaciji za pojedini program.

Prijave koje ne sadrže potrebnu dokumentaciju, bit će odbijene i neće biti predmet daljeg razmatranja Komisije.

Sva priložena dokumenta moraju biti izdana od strane nadležnih sudskih ili upravnih organa. Priložena dokumenta ne smiju biti starija od 3 (tri) mjeseca od dana objavljivanja ovog javnog poziva, izuzev rješenja o registraciji pravnog subjekta, uvjerenja o poreznoj registraciji i uvjerenja o registraciji PDV-a. sve priložene kopije dokumenata moraju biti ovjerene od strane nadležnih upravnih organa ili notara.

V KRITERIJI ZA OCJENU PRIJAVE I IZBOR KORISNIKA

Komisija za razmatranje prispjelih projekata na osnovu javnog poziva, vrednuje prispjele projekte na osnovu slijedećih kriterija:

- a) Kvalitet projekta: 20%
- b) Vrijednost projekta: 20%

- c) Stepen vlastitog finansijskog učešća: 30%
- d) Finansijski efekti: 20%
- e) Društvena korisnost projekta: 10%

Komisija će izvršiti rangiranje i bodovanje prijave koje ispunjavaju formalno - pravne uslove, te će Ministru dostaviti prijedlog rang liste korisnika sredstava. Odluku o odabiru korisnika sredstava sa pozicije "Tekući transferi subvencije privatnim preduzećima i poduzetnicima - poticaj privredi", na prijedlog Ministarstva, donosi Vlada Srednjobosanskog kantona.

Odluka o dodjeli sredstava će biti objavljena u Službenim novinama Srednjobosanskog kantona. Sredstva će se dodjeliti isključivo za jedan projekat po korisniku, a visina koja će biti data na raspolaganje zavisit će od broja podnesenih zahtjeva i visine planiranih sredstava.

VI PREUZIMANJE POTREBNE DOKUMENTACIJE

Potrebna dokumentacija za učešće na Javnom pozivu, može se preuzeti elektronskim putem na web stranici Vlade SBK www.sbk-ksb.gov.ba ili u prostorijama Ministarstva u Travniku, ulica Prnjavor 16 a (Zgrada ŽAS-a) svakim radnim danom u vremenu od 09,00 - 15,00 sati.

VII PODNOŠENJE PRIJAVE

Prijave sa odgovarajućom dokumentacijom, šalju se lično ili preporučeno poštom u zapečaćenim kovertama na adresu: Ministarstvo privrede, Prnjavor 16 a, 72270 Travnik sa naznakom: " NE OTVARATI - po javnom pozivu br: 5, projekt broj: _____. Rok za dostavu programa - projekata je 20 (dvadeset dana) od dana objave javnog poziva.

Nepotpune, neblagovremene i neuredne prijave neće biti razmatrane.

VIII TROŠKOVI PROJEKTA - PROGRAMA

U postupku javnog poziva Ministarstvo privrede ne snosi nikakve troškove učesnicima javnog poziva, te zadržava pravo da prijavu prihvati u cijelosti, dijelomično ili je u potpunosti odbije, poništi javni poziv ili odbaci sve prijave u bilo koje vrijeme prije sklapanja ugovora. Ministarstvo privrede neće snositi nikakvu odgovornost prema učesnicima javnog poziva, niti je obavezno objasniti razloge takve odluke. Prispjela dokumentacije neće se vraćati.

IX OSTALE ODREDBE

Sa kandidatima čije se prijave prihvate, Ministarstvo privrede će potpisati Ugovor o implementaciji odobrenih sredstava, kojim će biti preciziran način i dinamika korištenja odobrenih sredstava, te nadzor nad trošenjem istih u namijenjene svrhe. Sve dodatne informacije vezane za javni poziv mogu se dobiti svakim radnim danom putem telefona broj: 030/ 511 -217 od 10,00 sati ili putem e-mail: min.priv@bih.net.ba . U prilogu javnog poziva nalazi se Zahtjev za uključivanje u program, koji je potrebno popuniti u cjelini, uredno sa svim navedenim elementima, i isti dostaviti u roku od 20 dana od dana objave.

MINISTAR

Nisvet Hrnjić